

八念救貫前生今世罪對立功補過

九念家門隆盛宗廟有人世生賢才

十念專受師經不致中息平等一心廣度一

切克獲上仙白日登天拜見太上未成真

人雲車羽駕和與道合真

存神燒香

香官使者左右龍虎君侍香諸靈官當令臣

早朝行道之所自然生金液丹碧芝英百靈

衆具交會在此香火爐前令臣學道得道求

仙得仙喬主受福幽顯霽恩十方仙童玉女

接侍蘭煙傳臣向來所啓之誠速達徑御

太上元極大道至真玉皇上帝御前

出堂頌

引至幕

謝師

靈寶領教濟度金書卷之二百六

靈寶領教濟度金書卷之二百七

洞微高士開光救苦真人羅金真授

靈寶通玄弘教水南先生林靈真編

科儀立成品北帝齋用

午朝行道儀

燒香頌

各禮師存念如法

衛靈

丹靈朱火 炎霞激風 赤輪剛運 天光八衝

迸威包羅 交變萬方 流金豁落 群魔滅蹤

辟奸破妖 明耀元功 金符召制 躡雲乘龍

誦歌慶會 散花太空 神化冥運 四極安隆

伏御帝前 罔有不恭 和與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝顯服冠帶垂纓闕啓玄壇天帝

神君當召此間土地里域真官正神急上關

啓臣今奉為入意以今午朝陞壇行道願得

玉清道炁靈寶妙光下降流入臣等身中即

使玄壇清淨內外成真天無氛穢地絕扶塵

琳琅振響十方爾清萬魔不干真誠上徹今

臣所啓之誠速達徑御

太上元極大道至真玉皇上帝御前

請稱法位

具位臣某謹同誠上啓

太上元極大道虛元自然元始天尊太上道

君太上老君昊天玉皇上帝九天尚父含元

太虛一炁宗神天蓬都元帥真君九天佐翊

副元帥真君九天上輔翊聖儲慶保德真君

九天遼爽玄武佑聖助順福德真君九元熱

童大將軍五丁都司大將軍高刁北翁大將

軍七政八靈大將軍太上浩兇大將軍長顧

巨獸大將軍手把帝鐘大將軍素臬三神大

將軍嚴駕夔龍大將軍威劍萬大大將軍斬

邪滅跳大將軍紫炁乘天大將軍丹霞赫衛

大將軍吞魔食鬼大將軍橫身飲風大將軍

蒼舌綠齒大將軍四目光翁大將軍天丁力

士大將軍威南禦兇大將軍天驕傲大將軍
 軍威北銜鋒大將軍衛我九重天將軍劈尸
 千里大將軍祛却不祥大將軍敢有小醜大
 將軍欲來現狀大將軍鏖天大斧大將軍斬
 鬼五刑大將軍交帝烈血大將軍北斗然骨
 大將軍四明破敵大將軍天猷滅類大將軍
 神刀一下大將軍萬鬼自潰大將軍一炷都
 統大將軍三十萬兵神聖聚無義神王飛
 鷹走天使者北帝煞鬼一行吏兵巨聞大赤
 垂文神寶開九霄之慧日女青演律天威揚
 十極之慧風道開龍漢之先教聞鶴鳴之後
 瓊章琅軸凝陰陽空洞之精金科玉條結天
 地飛玄之炁萬劫彰玄機於碧落一朝降聖
 化於黃坡植人極以召和消魔靈而却羈扶
 安家國鎮福顯幽臣等風慕真風幸依道日
 森榆到眼徒膺八會之書荆棘蒙心護佩九
 光之策快遷喬而未遂思涸轍以自慙惟師
 傳常勉於立功而帝造許勤於補過凡有投
 告所盍關聞況奉青詞謹當宣告

宣詞

按如詞言備切修奉齋主其四極陶神玉靈
 孕質陽春白靈懸無寡過之能霽月光風觀
 有著獲之慶迺運臨於厄會而身涉於憂危
 禁衛非常瘡疾久傷其官府邪精呈異秋氣
 恣擾其家庭致夢寐之紛紜俾精神之顛倒
 徒尋著聖莫測藥敷中夜凝思曷致膏肓之
 疾質明慨歎允錄鬼魅之災或蒙兆於宿冤
 或禍期於積過匪賴楓宸之錫福曷令蓬宇
 之消災庸啓瑤壇恭錄玉笈謝過觀中天之
 虛驅邪修北帝之齋風簌簌鐘映步虛而隱
 蕩此枝鳴專問寶篆以飄飄竟旌獲仗於天
 衛羽葆深精於禁路析虛无之玉相降大有
 之金庭日近龍墀願露再三之懸雲屯虎騎
 冀揚億萬之威叱咤山河拔摩宇宙為掃清
 於邪魅即延迓於鴻龐以今午朝陞壇行道
 請法眾等運茲初檢上香
 願此香煙騰空徑上供養
 无上道寶天尊臣等皈身皈神皈命首體投
 地仰依
 太上三尊願以是功德上祝

皇帝陛下伏願堯雲廣覆舜日遠輝夫執一
 家充禹庭之玉帛梯航萬里樂璣室之衣冠
 壽基齊西華之崇福源並東溟之廣朝多俊
 士野絕游農今故燒香自皈依
 師尊大聖東至真之德得道之後保天長存
 和與道合真
 以今午朝陞壇行道請法眾等運茲二檢上
 香
 願此香煙騰空徑上供養
 无上至真經寶天尊臣等皈身皈神皈命首
 體投地仰依
 太上三尊願以是功德皈皈流齋主某伏願光
 華二景耀彩七精松相舒喬映封其之綠鬢
 芝蘭秀發舞容與之斑衣門庭日襲於陽光
 院宇風清於故炁倉箱天富隴畝雲連今故
 燒香自皈依
 師尊大聖東至真之德得道之後永保安寧
 和與道合真
 以今午朝陞壇行道請法眾等運茲三檢上
 香

願此香煙騰空便上供養

无上至真師寶天尊巨等皈身皈神皈命首
體投地仰依

太上三尊願以是功德皈流臣等三師四友
伏願燈燈續燄業業傳芳出青入玄玉醴灌

華峯之谷回黃抱紫金泉凝玄化之關接武
凌空騰真駕景今故燒香自皈依

師尊大聖衆至真之德得道之後升入无形
和與道合真

禮方 儀方

朝天尊呪三十六通

三啓

樂法以為妻 愛經如珠玉 持戒制六情
舍道遺所欲 澹泊正恣停 蕭然神靜默
天魔並敬護 世世享大福

又

營營家國盛 濟濟經道興 天人同其願
縹緲入大乘 因心立福田 靡靡法輪升
七祖生天堂 我身白日騰

又

大道洞玄虛 有念無不契 煉質入仙真
逐成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

三清上聖十極高真九天尚父天蓬都元帥
真君九天佐翊副元帥真君九天上輔翊聖
儲慶保德真君九天遊奕玄武佑聖真君北

帝熱鬼一行兵吏臣聞天西寥廓之城官居
魔帥地北朔單之域府列鬼神群劫劫以並

生際元尊而馴化洞真玉檢崇前魔滅魔之
辭靈寶金書宣攝鬼檢鬼之令太極訣嚴於

捕戮正一法重於擒誅皆帝真矜下民以垂

仁故仙聖傳上士而布武建福庭於鬼數金
闕班崇復仙宇於蟄區玉京望峻靈功赫赫
威化巍巍顧慚愚昧之蹤莫測神奇之跡庸
圖宣德御籙承符蓋彈駭戴之忱恪盡對揚
之敬今齋主某千秩構蒙衆惠乘危瞻碧落

以求哀望紫垣而請福尚虞積咎致批深災
三業重而罪紀於三元七情彰而過刊於七
政修身昧廉恥之節蒼家乖禮義之風步步
晚華罔念登山之偉峙心心逐物不思定水
之當澄或七祖九玄滯冥關而與冢訟或三

生四負訴玄局而起仇憎既譴責於上蒼宜
矯誣於下土爰修齋法披演靈科內期聖澤
以消災外仗神威而然鬼願飛丹詔通告玄
曹錫除既往之愆逕續方來之命超宗祖而
神魂部衛釋冤債而慈愛濟同仰道悉百千

萬重降屬車八十一乘光華蓮宇景耀楓壇
鞭風駕霓彼吏擁三神之仗轟雷掣電虎賁
驅萬丈之鋒毒龍獅子以揚威巨獸長顧而
耀武摧山倒嶽羅六合以奉天誅捲海縹河
廓八紘而彰聖化張天羅於碧落布地網於

黃埃鬼無逃形送北鄰而未閉魔無犯令流
 西極以幽居大小俱擒退邇畢戮清蕩扶邪
 之蒸倫除怪魅之氣俾齋主某疾病蠲除精
 神輝煥門迎喜禾福融長幼以熙熙戶禱祥
 光慶襲家庭而濟濟心地絕公私之擾性天
 融未裏之和詩書傳家衣冠耀世蒙如丹椅
 允荷玄恩上願天關高澄地軸靜謐煙雲蔽
 斂日月輝流樂難犬之榆陰琴書无警卧貌
 懸於柳影羽撒不驚山林掃跡於杖魁川澤
 潛形於魍魎金穰應運玉燭調時則上明
 聞 天專大慈之化下副臣等啟命之誠謹啓以

發願

一願大道澹泊虛無安閑空寂澄清自居廣
 開法門教導頑夫皆蒙惠澤精苦自修預
 以同學普得升虛與天相保長存無憂
 二願諸天結炁澄清高虛廣覆保真固靈氣
 倣調節四運和平國安民豐普天開寧廣
 濟一切惠達有生係天長存億劫不傾
 三願土地厚載無窮安平不陷海淪不崩保

鎮家國兆民興隆養生安死惠周十方未
 稼滋植營運日與咸得厚載萬類皆從
 四願日月二景高明無有字缺虧盈安清光
 照諸天洞消暗冥保固劫運世祚和平普
 加潤澤惠灑眾生

五願星辰與日齊光轉燭照耀朗映十方各
 安其位經緯直行保鎮家國無有災傷四
 海寧一普天興昌

六願四時隨節推遷景氣和調無有災患疫
 毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隨
 則無為散則彌天神仙同居結友眾真惠
 流一切興國愛民普濟群生人同劫年

八願風雨汎灑無窮普加施泄受其發揚萬
 物滋生國儲民豐

九願五嶽各安其方巍巍包蔽長為仙宮安
 鎮國祚保天無終護度一切莫不仰宗

十願江海蕩蕩無極含容恢廓無細不植淵
 奧柔惠潤加喘息天人獲慶年同劫石
 十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚
 兆庶稱慶長樂未央
 十二願蜎飛蠢動已生未生咸蒙安全普得
 生成皆見元氣受陽之形草木果林經冬
 不零一切濟度靡不鮮蒸和與道合真

存神燒香

香官使者左右龍虎君侍香諸靈官當令
 午朝行道之所自然生金液丹碧芝英百靈
 眾真交會在此香火爐前今臣學道得道求
 仙得仙齋主受福幽顯露恩十方仙童玉女
 侍衛蘭煙傳臣向來所啓之誠速達徑御
 太上无極大道至真玉皇上帝御前

出堂頌

引至幕

謝師

靈寶領教濟度金書卷之二百七